



ERESTO PETRONIA CU PROYECTO SERIO DI FABRICA DI SMELT BAUXIET PA ARUBA

ORANJESTAD(AAN)—
Ultimo dianan por a ten-
de comentarionan ta cir-
cula cu Sr. Ernesto Petro-
nia recientemente a viaja
pa Suriname, y tin inten-
cion di establece na Aru-
ba un fabrica di smelt
bauxiet.

DIARIO ayera a busca
mas informacion encuan-
to esaki y a logra haya un
entrevista cu Sr. Petronia
encuanto e topico aki.

El a splica enfaticamen-
te cu no ta trata aki di un
idea of proyecto di su
persona, pero cu 25 aña
pasa caba Sr. Juan Enri-
que Irausquin, e tempo
ey lider di PPA tabata tin
e proyecto aki na mente.

Segun Sr. Petronia, na
1958 como diputado di
DOW, el a viaja pa Suri-
name ariba invitacion di
Sr. Juancho Irausquin cu
tabata tin e proyecto di
Bauxiet como un di su
soñonan cu e kier a mira
realiza.

E "Mijnwet" di Surina-
me e tempo tabata stipu-
la cu di tur locual wordo
explota, 20 por ciento
mester wordo bendi cu
gobierno. Intencion di
Suriname tabata pa ben-
de of smelt bauxiet na
Suriname mes, pero no
tabata tin suficiente elec-
tricidad pa esaki.

Despues cu a bini cu e
Brokopondoplan, Suralco
y Biliton a establece nan
mes y Biliton a cuminsa
cu smelterij di bauxiet.

Tempo cu Sr. Petronia
a viaja pa Suriname, e
pais no kier a bende cu
Aruba.

"Ariba dia cu Juancho
a muri, el a entrevista cu
representantenan di Shell
ariba posibilidadnan pa
haya awa y electricidad
via tuberia di Punto Car-
don na Venezuela, pa
Barcadera. E plan a keda
den mi cabez te awe", se-
gun Sr. Ernesto Petronia.

E tempo ey caba awa y
coriente tabata mucho
caro na Aruba, pa por a
bini cu e proyecto aki y
rendabel. Den e añanan

cu a sigui, tabata tin hopi
problema encuanto awa y
coriente, te cu a cambia
di un planta pa otro, pero
awa y electricidad a keda
caro", el a splica.

Sr. Petronia a muestra
cu despues cu Lago a cera
a bini e necesidad pa crea
mas proyecto na Aruba y
el a saca e idea di smelte-
rij di Bauxiet for di lachi.

Na luna di april el a via-
ja pa Suriname y aya a lo-
gra haya Biliton dispues-
to pa bende Aruba alumi-
na.

E materia prima lo no
ser exporta pa Aruba, ya
cu ta 40 por ciento so di e
locual ta bini, ta e bau-
xiet necesario y e resto ta
santo etc.

E alumina lo bini Aru-
ba den forma di barilla,
esta como bara di alumi-
na, y aki e lo wordo ge-
smelt pa traha plaachinan
pa dak, tayo, cuchara cu
forki, koppi etc. no sola-
mente pa mercado local,
pero tambe pa exporta pa
Antillas di 5, islanan den
Caribe, y hasta pa Esta-
dos Unidos pa medio di e
Caribbean Basin Initiati-
ve.

PROBLEMA

"Aruba awor tin awa y
electricidad na abundan-
cia, pero e prijs ta mucho
halto pa haci un proyec-
to asina rendabel", el a
laga sa.

Sr. Petronia, cambian-
do di mesa, pa stoel di
sosiego continuamente pa
contesta e cantidad di ya-
madanan cu tabata dren-
ta tras di otro, durante e
momentonan di sosiego,
a sigui splica cu awor ta
e oportunidad pa Vene-
zuela justifica si realmen-
te e kier yuda Aruba.

"Awor mester di e tu-
beria di gas y di awa", el
a expresa.

El a muestra cu por haya
bauxiet. Awa y gas lo por
bini di Venezuela, pero
mester di apoyo di auto-
ridadnan pa e proyecto
aki.

El a muestra cu di Mi-

nistro di Asuntonan Eco-
nomico Sr. Don Mansur e
tin "toezegging". caba di
cooperacion, pero di au-
toridadnan insular tambe
e mester di e apoyo nece-
sario. El a papia cu dipu-
tadonan Henriquez y
Kuiperi en breve y ta spe-
ra di por tin un reunion
pronto cu nan ariba e
proyecto aki.

Ariba pregunta di DIA-
RIO, si e lo hiba e pro-
yecto aki pa otro isla si e
no ricibi e cooperacion
necesario di autoridadnan
gubernamental na Aruba,
Sr. Petronia a laga sa cu
lo ta dificil, pa no bisa
imposibel, pasobra e pro-
blema di prijs halto di
awa y coriente tin ariba
Bonaire y Curacao tambe
y cu lo no ta posibel pa
bay pasa e tuberia via e
plataforma continental
den oceano, pa e islanan
aki.

"Mescos cu Melchior por
trece proyecto pa Aruba,
mi tambe por haci esaki,
pero mi mester di coope-
racion di DECO, Banco
di Desarrollo, garantia di
gobierno pa bay banco,
y cooperacion pa desaro-

llo tambe. Mescos cu por
financia Melchior, lo por
financia tambe e Funda-
cion Petrona & Croes pa
Proyectonan di Desaro-
llo", Sr. Ernesto Petro-
nia a laga sa, y a elabora
despues ariba otro pro-
yectonan cu e ta traha
ariba actualmente.

PROYECTO DI FOSFAAT

Durante e entrevista cu
DIARIO a tene ayera cu
Sr. Ernesto Petronia, a
ser papia tambe ariba e
posibilidadnan di fosfat
na Aruba.

El a splica cu e ta pensa
den e direccion aki tambe
pero tin un rapport yama
"Rapport Longyear" di
21 aña pasa cual a ser tra-
ha pa expertonan di Esta-
dos Unidos cu ta splica
cu e fosfaat cu tin na
Aruba no ta suficiente, y
si e ta suficiente mes, e
calidad mester ser proce-
sa na un manera special.

Sr. Petronia den su spli-
cacion a muestra cu na
1964 su persona como
ministro, Sr. Oscar Hen-

riquez cu tabata Gezag-
hebber di Aruba y Sr.
Josy Tromp cu e tempo
ey tabata diputado di Fi-
nanzas, a haci e viaje.

El a laga sa cu otro po-
sibilidad cu tin ta di im-
porta fosfaat for di Guya-
na, Jamaica of Colombia
proecesa esaki na Aruba.

Pero e mester di entra-
da na embahadanan di
reino y ta spera di haya
identificacion como ex-
prome ministro, cual lo
mester ser duna door di
gobernador di Antillas.

"E sistema con pa proce-
sa fosfaat ta depende
di e consehonan haya di
laboratorionan califica di
Israel. Mester por paga e
fosfaat cu dollar america-
no. E proyecto aki por
bini na tereno di Barca-
dera of na un parti di te-
reno di Lago.

Pero pa e proyecto aki
tambe mester di awa y
coriente cu lo ta e ma-
terial basico, pero e awa
y coriente mester ta bara-
ta pa haci e proyecto ren-
dabel, y algun 100 hende
lo por haya trabao aki
tambe", el a indica.

CONVENCION DI ENFERMERANAN AMERICANO NA ARUBA

ORANJESTAD(AAN)—
Di dia 15 di Mei te cu dia
24 di Mei, Licensed Prac-
tical Nurses and Techni-
cians of New York, cu un
total di 300 persona
lo tene su convencion
anual na Aruba. Nan lo
permanece na Holiday Inn
y entre nan actividadnan
lo tin un asina tama
Teaching Day cu lo
wordo teni na e hotel dia
22 di Mei.

Entre esnan cu lo dirigi
palabra ta aparece Dr.
Anaya, kende lo papia di
Myocardial Infarction,
mientras cu America Rafi-
ne lo splica tecnologia
radiologico y trato den
hospital.

Dr. Marijke Bloember-
gen lo papia di anaesthesia
y Yolanda Marugg lo ela-
bora ariba School di Enfer-

mera pa Aruba.

E representante di ABV
Matricia Bowers lo amplia
ariba State of the Union y
cuido paramedico, y e
cuido opthalmologico y
keratoma lo keda splica
pa dokter Riems.

Durante e sesionnan lo

tin oportunidad pa discuti
durante forum.

E Relacionista Publi-
co y encargado cu asunto-
nan di personal di H.O.
Hospital di Aruba, Maria-
no Arendsz, conjunta-
mente cu Dr. Berlinski
lo coordina e dia.

PDA A PIDI INVESTIGACION DI CALIDAD DI GASOLIN

ORANJESTAD(AAN)—
Den un telegram cu PDA
a manda pa Bestuurscolle-
ge di Aruba a wordo treci
dilanti cu entrante 1 di
Mei e compania Esso
Petroloero ta abastecer mer-
cado local cu productonan
petroloero. For di contacto
diario, PDA por a constata
un inquietud publico alar-
mante pa e calidad di e

combustible cu ta wordo
entrega na pueblo.

Aparentemente e gaso-
lin ta kima mas liher y
esaki por causa posibile-
mente daño na autonan.

Mientras PDA ta na
haltura cu Gobierno ta
prepara otro aumento
di gasoline, pa por haya mas
entrada, PDA na nomber

Segui lesa pag. 6